



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

S. Colocen. Archiepiscopo V. Geurien. & D. Zagabrien. Episcopis.

urn:nbn:de:hbz:466:1-20006

bus inclytæ recordationis Conſtanciæ Imperatrici nos ſcribere poſtulaſtis, ipſa ſublata de medio votum veſtrum non potuimus adimplere. Datum Laterani Nonis Ianuarij.

SYRACUSANO EPISCOPO.

Epist. 509.
Vt pullulantes
hærefes extir-
pare conetur.

VErgente jam in ſenium ſeculo, & ſupercrescente malitia temporis, friget caritas, & in agro evangelici patriſfamilias zizania pullulant, & pollunt melleſes tritico rareſcente, ac vulpes parvulæ jam in aperto præſumunt vineam Domini demoliri. Ecce etenim hærefes antiquæ ſuſcitantur, ac innovatis veteribus, novi adveniuntur errores, & fidem catholicam pravi nituntur interpretes depravare; non ſe conformantes legi divinæ, ſed in favorem propriæ perversitatis doctrinam evangelicam, propheticam, & apoſtolicam pervertentes; ita ut noviffimi dies videantur inſtare, ſecundum Apoſtolum, qui in noviffimis diebus mente prophetica talia prævidens eventura, cum multa de hujusmodi prædixiſſet, adjecit: *Quemadmodum autem Iannes & Mambres reſtiterunt Moſi, ita & hi reſſent veritati; homines corrupti mente, reprobi circa fidem.* Vtinam autem, ſicut ipſe ſubjunxit, non proficiant ultra, ſed inſipientia eorum, ſicut & illorum, fiat omnibus manifeſta. Aliud etiam inconueniens ſpecialiter in Sicilia partibus dicitur evenire; cum hi qui olim ex abnegato gentilitatis errore ſacri baptiſmatis unda renati, fidem catholicam receperunt, nunc abeuntes retro, & ad vomitum redeuntes, priſtinis involvuntur erroribus, & Chriſtiana fidei, quam profeſſi fuerant, immo Chriſto potiùs adverſantur. Cum autem ad capiendas hujusmodi vulpes parvulas, ſpecies quidem habentes diverſas, ſed caudas adinvicem colligatas, quia de vanitate conveniunt in idipſum, Salomon nos inducat in Canticis canticorum, ne mutis canibus latrare non valentibus comparemur, aut deformitatem vineæ Domini Sabaoth, ad quam etſi in hora ferè undecima, ſumus tamen inter operarios, immo potiùs in operariorum magiſterio deputati, negligere videamur, vel ſub diſſimulatione tranſire, fraternitati tuæ per apoſtolica ſcripta mandamus atque præcipimus quatenus ob timorem Domini & reverentiam apoſtolicæ ſedis contra hæreticos, tanquam fi-

dei Chriſtiana zelator, aſſurgas, & ſi apud eos monitis obtinere non poteris ut redeant ad Eccleſiæ unitatem, ipſos, fautores, deſenſores, & receptatores eorum, pulſatis campanis, candelis accenſis, per totam dioceſim in qua fuerint, immo etiam per totam provinciam, ſingulis diebus dominicis & feſtivis excommunicatos publicè nuntiari facias, & bona eorum à Principibus publicari. Ad hæc, quia oblatum exigit, quod non exegerat offerendum, nec impune conceditur cuiquam à fide catholica reſilire, volumus, & ſub eadem tibi diſtinctione mandamus, ut eos qui poſt ſuſceptum ſanctificationis lavacrum redire ad ritus Sarracenicis præſumpſerunt, ut à ſuo revertantur errore, & catholicam fidem obſervent, frequenti ac diligenti exhortatione præmiſſa, & per te ipſum quacunque poteris diſtinctione compellas, & compelli facias per Principes ſeculares. Datum ut ſuprà.

S. COLOCEN. ARCHIEPISCOPO
V. Geurien. & D. Zagabrien.
Episcopis.

AD noſtram noveritis audientiam perveniſſe quòd cum omnes communicantes in aliquo A. fratri cariffimi in Chriſto filij noſtri Vngarorum Regis illuſtris, qui ſcilicet vel literas ſibi dirigerent, aut ab eo reciperent deſtinatas, vel eidem aliquod conſilium vel auxilium exhiberent, vel ei in aliquo communicare præſumerent, de mandato bonæ memoriæ Celeſtini Papæ prædeceſſoris noſtri excommunicationis fuerint vinculo innodati, N. & A. poſt excommunicationem & inhibitionem apoſtolicam eidem communicare ſcienter, conſilium & auxilium impertiri, & divina præſumpſerunt etiam celebrare. Vnde propter hoc in Hydruntin. & Spalatin. Archiepiſcopos, quamvis & illi excommunicationi ſubjaceant, ab eodem, loco remunerationis, contra juris ordinem in regiæ dignitatis præjudicium ſunt promoti. Quia verò tantæ præſumptionis audaciam in injuriam Dei & contemptum ſedis apoſtolicæ attentatam, impunitam relinquere non poſſumus nec debemus, fraternitati veſtræ per apoſtolica ſcripta diſtictè præcipiendo mandamus quatenus ſuper præmiſſis inquirentes diligentius veritatem, ſi rem ita noveritis ſe habere, præſatos N. & A. co-

Epist. 510.
Cassianus el-
ctio Archiepi-
scoporum Hy-
druntin. & Spa-
lat.

rum electionibus, immo verius intrusionibus penitus irritatis, excommunicatos publicè nunciatis, & usque ad conditionem satisfactionem faciatis ab omnibus arctius evitari, districtius inhibentes, ne quis eis obtentu electionum fidelitatem, obedientiam, vel reverentiam audeat exhibere. Nullis literis &c. Quòd si omnes &c. Datum Laterani III. Kalend. Januarij.

ARCHIEPISCOPI S,
Episcopi, & ceteris Ecclesiarum Prælati
in Vngaria constituti.

Epist. 511.
Ne quis in Vngaria Regis Consiliarios sine excommunicationis sententiam profectus.

Cum inter alios mundi Principes personam carissimi in Christo filij H. Vngariæ Regis illustris & regnum sibi commissum prærogativa dilectionis & gratiæ disposuerimus honorare, in admittendis petitionibus regis, quoties nostro apostolatu porriguntur, tanto nos faciliores, quantum cum Deo possumus, volumus exhibere, quanto ad promovenda universa & singula quæ regia debeat serenitas acceptare, volumus existere proniores. Sanè postulavit nuper concedi sibi à nobis ad instar bonæ memoriæ Clementis Papæ prædecessoris nostri regia celsitudo, ut nullus Archiepiscopus, vel Prælati quilibet, in familiares & Consiliarios suos, de quorum absentia & privatione tam regnum Vngariæ quam persona Regis possit incurrere detrimentum, & præsertim in Geurien. Episcopum dilectum & familiarem suum, qui post mortem inclytæ recordationis B. progenitoris ejus tam in guerra quam in pace in omnibus & præ omnibus fidelis sibi extitit & devotus, & inter fideliores fidelissimus est inventus, unde ipsum dignis in Domino laudibus commendamus, excommunicationis sententiam promulgaret. Quod si fuisset ab aliquo forsitan attentatum, per quem mallet Archiepiscopum vel Episcopum usque ad decem absolvi faceret, cujuslibet contradictionis & appellationis obice non obstante. Nos ergo de benignitate sedis apostolicæ magnificentiæ regiæ uberiores volentes favorem & gratiam imperitari, universitati vestræ auctoritate præsentium duximus inhibendum, ut in Consiliarios & familiares ipsius, quorum in hac tempestate consilio & familiaritate sine magno sui dispendio carere non potest, nullis vestrum, nisi pro manifesta & rationabili causa, & canonica mo-

nitone præmissa, excommunicationis vel interdicti sententiam audeat promulgare. Quòd si aliter fuerit in elusionem mandati apostolici perperam per præsumptionem cujuslibet attentatum, decernimus non tenere. Nulli ergo &c. Datum Laterani VI. Idus Januarij.

PATRIARCHÆ ANTIOCHENO.

NE lædatur libertas ecclesiastica, vel ministri Ecclesiarum à perversis hominibus opprimantur, nobis, qui omnibus sumus ex injunctæ servitutis officio secundum Apostolum specialiter debitores effecti, sollicitius imminet providere. Nostris siquidem fuit auribus intimatum quòd cum expensas in Antiochena civitate fieri pro aliqua necessitate contingit, communia ipsius civitatis Ecclesias, Clericos, & eorum homines, cujuscunque conditionis vel linguæ sint, in exactione talliæ contra antiquam consuetudinem aggravant, quam & recipere ac pro sua expendere voluntate præsumunt. Præterea tam te quam Ecclesias tuas in multis aliis infestantes, omnes Clericos Antiochen. ad justitiam cuilibet laico exhibendam nituntur sub prætextu sui compellere juramenti. Possessiones etiam ecclesiasticas per judicium & consuetudines Græcorum tractare conantes, jura Ecclesiæ Latinorum consuetudinibus abusive pervertunt. Nos igitur excessus hujusmodi in patientia sustinere nolentes, auctoritate præsentium districtius inhibemus ne aliquis tibi, Ecclesiis, seu Clericis, vel hominibus vestris hujusmodi violentias vel gravamina de cetero inferre præsumat. Quòd si quis facere aliqua temeritate præsumperit, licitum tibi sit in eum auctoritate apostolica censuram rigoris ecclesiastici promulgare. Nulli ergo &c. Datum Laterani Nonis Januarij.

Epist. 502.
De conservanda ecclesiastica libertate, & ne à laici Ecclesiæ exactiones imponantur & talliæ.

TYREN. ARCHIEPISCOPO.

DE testibus qui ad exceptionem probandam à partibus inducuntur, tua nos duxit fraternitas consulendos, utrum cogendi sint super principali etiam negotio ferre testimonium veritati, & an illi sint, sicut ceteri testes, examinandi strictè, qui ad purgandam alicujus infamiam inducuntur. Super hoc igitur fraternitatem tuam plurimum in Domino commendantes, quæ in dubiis apostolicæ sedis vult certifica-

Epist. 511.
Quatenus testes ad exceptionem probandam adhibiti, in causa principali testimonium dicere cogantur.
Cap. 29. De testibus.